


四分律藏

第四十一

三百三十五  
婦一

50096



Vertical stamp or seal impression, likely containing Chinese characters.

四分律藏卷第四十一

婦

姚秦三藏佛隨耶舍共竺佛念譯

第三分衣捷度法六之三

尔時舍衛國有多知識比丘死有多僧伽藍  
多有屬僧伽藍園田果樹有多別房多屬別  
房物有多銅瓶銅瓮斧鑿燈臺多諸重物多

有繩牀木牀卧褥坐褥枕多畜伊犁延陀耆  
羅耄耄羅毳毼多有守僧伽藍人多有車輦  
多有澡罐錫杖扇多有鐵作器木作器陶作  
器皮作器剃髮刀竹作器多衣鉢尼師壇針  
筒諸比丘不知云何白佛佛言多知識無知  
識一切屬僧諸比丘分僧園田果樹佛言不應

分屬四方僧彼分別房及屬別房物佛言不應  
分屬四方僧彼分銅餅銅盆斧鑿及諸種種  
重物白佛佛言不應分屬四方僧彼分繩牀  
木牀坐褥卧褥枕佛言不應分屬四方僧彼  
分伊犁延陀耄羅耄羅毘毘佛言不應分  
屬四方僧自今已去聽諸比丘毘毘廣三肘  
長五肘毛長三指現前僧應分彼分車輿守  
僧伽藍人佛言不應分屬四方僧彼分水瓶  
澡罐錫杖扇佛言不應分屬四方僧彼分鐵  
作器木作器陶作器皮作器竹作器佛言不  
應分屬四方僧自今已去聽分剃刀衣鉢坐  
具針筒彼分俱夜羅器現前僧應分今時有

異住處二部僧多得可分衣物時比丘僧多  
比丘尼僧少諸比丘不知云何白佛佛言應  
分作二分時無比丘尼純式又摩那應分作  
二分時無比丘尼無式又摩那純沙彌尼佛  
言應分作二分若無沙彌尼僧應分時有住  
處二部僧多得物比丘少比丘尼多白佛佛  
言應分作二分無比丘有沙彌應分作二分  
無沙彌比丘尼應分時有比丘在拘薩羅國  
人間遊行到無比丘住處村到已命過諸  
比丘不知誰應分此衣鉢白佛佛言彼處若  
有信樂優婆塞若守園人彼應掌錄若有五  
衆出家人前來者應與若無來者應送與近

處僧伽藍。尔時世尊在舍衛國住處。多比丘  
比丘尼。優婆塞。優婆夷。國王大臣。種種外道。  
沙門婆羅門。時世尊告諸比丘。我欲三月靜  
坐。思惟。無使外人入。唯除一供養人。時諸比  
丘。自立制限。世尊如是語。三月靜坐。思惟。不  
聽外人入。唯除一供養人。若有入者。教令波  
逸提。懺尔時長老和先跋檀陀子。與波羅國  
六十比丘。俱盡是阿蘭若。乞食者。糞掃衣。作  
餘食法。不食一坐食。一搏食。塚間坐。露地坐。樹  
下坐。常坐。隨坐。持三衣。詣舍衛國祇桓精舍。  
問諸比丘。如來在何處。房住。我欲往見。諸比  
丘言。如來如是言。我三月靜坐。思惟。無使外

人入唯除一供養人若有入者作波逸提懺  
和先問言世尊有如是語耶比丘荅言諸比  
丘自立制言若有入者波逸提懺和先言我  
不用諸長老制何以故佛有如是言佛不制  
不應若已制不應違隨所制法應學我等悉  
是阿蘭若乃至持三衣得隨意問訊世尊亦  
時長老和先與彼六十比丘俱往詣佛所頭  
面禮足却住一面時世尊慰問言和先汝安  
樂不飲食不乏耶住止安靜不和先汝從何  
處來汝不聞餘比丘語耶荅言住止安樂不  
以飲食為苦亦聞餘比丘語大德我與波羅  
國六十比丘俱盡是阿蘭若乃至持三衣在

拘薩羅國人間遊行至舍衛國問祇桓諸比  
丘世尊在何處房住我等欲見諸比丘如是  
語世尊三月靜坐思惟無使外人入唯除一  
供養人若有入者教波逸提懺我即問波逸  
提懺世尊有如是語耶諸比丘言無我等自  
立制耳我即語言我不用汝曹制何以故佛  
有如是語佛不制者不應制若已制我不應  
違隨所制法應學我曹皆是阿蘭若乃至持  
三衣得隨意問訊世尊佛言善哉善哉和先  
汝等盡是阿練若持三衣得隨意問訊若復  
有如是者亦得隨意問訊世尊亦時諸比丘  
聞世尊聽阿蘭若得隨意問訊世尊或有作



阿蘭若者或有不<sub>レ</sub>受請者常乞食或有捨檀  
越施衣持糞掃衣或有捨長衣持三衣時諸  
比丘捨衣成大積聚諸比丘不知云何白佛  
佛言應布施眾僧若施佛若施塔若與一人  
諸比丘聞言與一人即持與白衣比丘白佛  
佛言不應與白衣若外道時諸比丘畏慎不  
敢與比丘尼非衣鉢囊革徒囊針筒禪帶罽  
帶帽拭脚巾捻熱巾裏革屣巾佛言聽與比  
丘尼非衣諸比丘作如是念行波利婆沙摩  
那埵比丘應與分不佛言應與諸比丘作如  
是念諸被呵責羯磨若擯出羯磨依止羯磨  
遮不至白衣家羯磨作舉羯磨被如是諸羯

磨人當與分不佛言與置地與若使人與時  
諸比丘得外道衣不染便著白佛佛言不應  
便著應染已著時諸比丘使白衣作使白衣索  
衣分白佛佛言聽計功多少與食與價諸比  
丘自念守僧伽藍人沙彌應等與衣分不白  
佛佛言若僧和合聽應與沙彌等分若不和  
合應與半若半不聽應三分與一若不與不  
應分若守僧伽藍人四分與一若不與不應  
分若分應如法治諸比丘畏慎疑不敢持衣  
與父母白佛佛言應與今時佛在舍衛國迦  
維羅釋子新作堂舍未有沙門婆羅門及諸  
人在上坐者時毗瑠璃太子最初坐上諸釋

種皆共瞋嫌我新作堂舍佛未得坐下賤婢  
子先坐中時有不信樂婆羅門侍從語言舍  
夷諸釋子罵汝作下賤婢子汝乃能忍耶荅  
言我今無力不得自在若我父亡我作王時  
當語我後王波斯匿失王位瑠璃太子即自  
作王不信樂大臣白言先諸釋種子罵王王  
能忍耶今可往罰王即集四種兵出舍衛城  
至舍夷國時世尊慈愍故即先住瑠璃王所  
行道邊在惡樹下坐時瑠璃王至見佛在惡  
樹下坐即下車頭面禮足却住一面白世尊  
言多有大好樹無恚樹等而不坐何故在此  
惡樹下坐佛言大王在親里陰下樂彼作如

是念世尊慈愍舍夷國故耳即迴軍還舍衛國不信樂大臣婆羅門第二第三如是語諸釋種先罵王作下賤婦子今可往罰時王即復集四種兵往舍衛國去迦維羅衛國不遠作少營自障住時迦維羅衛釋種等皆能遠射無枉發者或有射一由旬中的或有射七十里中的或有射六十里五十里四三十里中的者時有射瑠璃王營有中蓋頂蓋抖蓋子或有中車轆或有中馬勒馬鞅馬韁或有中指印或有中耳珠髻珠破珠而已終不傷害時瑠璃王大恐怖問諸釋子去此遠近傍臣荅言去此七十里王聞已倍更恐怖言我

將不爲諸釋子所害及我軍衆耶時不信樂  
大臣白王言彼諸釋子皆持五戒爲優婆塞  
死死終不斷衆生命王但前進勿以爲怖即  
往圍迦維羅衛城諸比丘以此因緣白佛佛  
言彼若不與開門終不能得時城內人自不和  
或言當與城者或言莫與即行籌時天魔波  
旬在與城衆中七反取籌即令與瑠璃王城  
籌多即爲開門與之軍人即入反閉城門街  
巷鑿坑悉齊人罽埋諸釋種男女大小相參  
而無有間令大象踏上時摩呵男釋子是瑠  
璃外祖父語諸釋種言汝曹莫但看瑠璃王  
放大象踏殺人當觀昔日業報因緣諸釋種

昔日所造定業報令當受之時瑠璃王聞語  
摩訶男釋子言欲得何願摩訶男言諸釋種  
已死我今苦惱何用願為若欲與我願者聽  
我入池水隨入水時節中間聽諸釋種出莫  
殺瑠璃王念言水中不得久與汝願摩訶男  
即入池水以髮繫樹根遂於水下命過瑠璃  
王即問諸大臣言釋摩訶男釋子入水何乃  
久耶傍人看之荅言已死王言出之即出示  
王時瑠璃王見即生慈心言摩訶男乃為親  
里故不惜身命即勅人放諸釋種彼即受教  
放之諸釋種被破剥脫露形來至僧伽藍中  
諸比丘畏慎不敢與衣佛不聽我曹與白衣

衣諸比丘白佛佛言借衣勿令露形來見我  
即便借衣時舍利弗與佛在拘薩羅國遊行  
在一處坐息忘僧伽梨置地而去時佛憶念  
語阿難言取此衣作親友意取阿難言云何  
作親友意取佛言隨所取令彼歡喜云何隨  
所取令彼歡喜答言有七法是親友利益慈  
愍故何等七難與能與難作能作難忍能忍  
密事相語不相發露遭苦不捨貧賤不輕如  
是阿難有此七法名爲親友利益慈愍令彼  
歡喜卽說偈言

難與能與難作能作難忍能忍是親善友  
密事相語牙相覆藏遭苦不捨貧賤不輕

如此七法人能行者名爲親友應附近之  
佛言如此親友應取彼比丘非親友作親友  
意取佛言不應非親友作親友意取彼比丘  
作親友意取波利迦羅衣佛言不應作親友  
意取此衣若不足不應取

尔時佛在波婆城有一摩羅字樓延是阿難  
白衣時親友時阿難著衣持鉢往其家就座  
而坐樓延出行不在阿難問其婦言樓延在  
不荅言不在阿難言取衣籠來即取置阿難  
前時阿難即取大價衣持還至僧伽藍中爲  
諸上坐作拭面巾拭身巾時樓延摩羅行還  
其婦以此事語夫其夫即來到僧伽藍中至



阿難所問言汝至我家耶荅言至汝有所取  
耶荅言有所取問言何故取麤不取好者何  
難言我正須如是衣諸比丘作如是念白衣  
親友應取如是衣不白佛佛言應取何者是  
親友應取如阿難於樓延摩羅應取諸比丘  
言若主不在應取不佛言聽親友者若在若  
不在應取

尔時佛在舍衛國不就請食諸佛常法若不  
就請在後案行諸房案行諸房時見有異處  
有比丘病無有瞻視供養人卧大小便中見  
已詣比丘所知而故問比丘汝何故卧大小  
便中有瞻視供養人不荅言無世尊復問何

故無荅言我無病時不看他病是故今病無人瞻視供養者佛言汝不瞻視不供養病人無利無所得汝曹比丘不相看視誰當應看病者時出尊即扶病比丘起拭身不淨拭已洗之洗已復為洗衣曬乾有故壞卧草棄之掃除住處以泥漿塗灑極令清淨更敷新草并敷一衣還安卧病比丘已復以一衣覆上捨去尔時出尊食已以此因緣集比丘僧以向者不就請在後行房所見病比丘自料理事具告諸比丘已汝曹比丘自今已去應看病比丘不應不看應作瞻病人不應不作瞻病人若有欲供養我者當供養病人聽彼比

丘和上若同和上阿闍梨若同阿闍梨若弟子應瞻視若都無有人看衆僧應與瞻病人若不肯者應次第差若次第差不肯如法治若無比丘比丘尼隨所可作應作不應觸比丘若無比丘尼式又摩那隨所可作應作不應觸比丘若無式又摩那沙彌應作若無沙彌沙彌尼隨所可作應作不應觸比丘若無沙彌尼優婆塞應作若無優婆塞夷隨所可作應作不應觸比丘病人有五事難看所不應食而欲食不肯服藥看病人有至心而不如實語應行不行應住不住身有苦痛不能堪忍身少有堪能作而不作仰他作病

者有如是五事難看病人有五法易看不食  
不應食者喜服藥如實語瞻病者應行便行  
不應行不行應住便住身有苦痛能忍身少  
有能作便作病人有如是五事易看病人復  
有五法難看四事如上第五事不能靜坐止  
息內心有此五事難看病人有五事易看四  
事如上第五能靜坐止息內心病人有如是  
五事易看尔時有比丘在拘薩羅國道路行  
至一小住處見有病比丘無有瞻視者卧大  
小便中彼作如是念世尊有教應看病人不  
應不看應作瞻病人不應不作瞻病人應供  
養病人不應不供養病人其有供養病人是

爲供養我彼即便瞻病人病者死尔時比丘  
持亡者衣鉢往舍衛國祇桓精舍中往詣佛  
所頭面禮足以此因緣具白佛佛言善哉養  
哉比丘汝乃能瞻視病比丘正應供養病比  
丘作瞻病比丘人供養病比丘是爲供養我  
彼持亡比丘衣鉢坐具針筒來此住處現前  
僧應分尔時世尊告諸比丘持亡比丘衣鉢  
坐具針筒與瞻病者應作白二羯磨如是與  
時瞻病人應至僧中偏露右肩脫革屣禮僧  
足白如是大德僧聽某甲比丘彼住處命過  
衣鉢坐具針筒盛衣貯器此住處現前僧應  
分如是第二第三說僧中差能作羯磨者若

上座若次座若誦律者若不誦律堪能作羯  
磨者作如是白大德僧聽某甲比丘命過所有  
衣鉢坐具針筒盛衣貯器此住處現前僧應分  
若僧時到僧忍聽與某甲看病比丘白如是  
大德僧聽某甲比丘命過所有衣鉢坐具針  
筒盛衣貯器此住處現前僧應分僧今與某  
甲看病比丘誰諸長老忍與某甲看病比丘  
衣鉢坐具針筒盛衣貯器者默然誰不忍者  
說僧已忍與某甲看病比丘衣鉢坐具針筒  
盛衣貯器竟僧忍默然故是事如是持若僧  
磨差一人分亡者衣物羯磨與此無異唯益  
一句言今僧與某甲比丘衣某甲比丘當還  
與僧白  
如是

尔時舍衛國有多知識比丘死彼有多三衣  
諸比丘不知以何者衣與瞻病人諸比丘白  
佛佛言聽彼亡者常所持者與佛聽與瞻病  
者衣已時有比丘小小瞻病或一扶起或一  
扶卧或一與楊枝水便取彼衣鉢佛言不應  
如是小小瞻病便取彼衣鉢有五法看病入  
不應取病人衣物何等五一者不知病者可  
食不可食可食而不與不可食而與二者惡  
賤病人大小便唾吐三者無有慈愍心爲衣  
食故四者不能爲病人經理湯藥乃至差若  
死五者不能爲病人說法令病者歡喜己身  
於善法損減有如是五法不應取病人衣物

復有五法能看病人何等五一者知病人可  
食不可食可食能與二者不惡賤病人大小  
便唾吐三者有慈愍心不爲衣食四者能經  
理湯藥乃至差若死五者能爲病人說法令  
病者歡喜己身於善法增益有如是五法應  
取病人衣物若病人臨欲終時有如是言我  
此衆物與佛與法若與僧若與塔若與人若  
我終後與若不死還我佛言不應如是與應  
現前僧分彼病比丘作如是念我當受不好  
三衣恐瞻病者取去佛言不應如是念我受  
不好三衣恐瞻病者取去應受好者時病人  
捉衣鉢送著餘處恐瞻病人取後病者無所



著諸比丘白佛佛言不應作如是意送衣餘  
處恐瞻病者得介時舍衛國有多知識比丘  
命過彼比丘多三衣諸比丘不知持何等衣  
與瞻病比丘比丘白佛佛言應看此瞻病人  
云何若能極上瞻病應與上三衣若中與中  
三衣若下與下三衣介時舍衛國有負債比  
丘命過諸比丘不知誰當償白佛佛言聽持  
長衣償若無物賣三衣與有餘與瞻病人聽  
瞻病人問病比丘何者是三衣何者是長衣  
汝負誰誰負汝汝應與誰若不問如法治時  
有病比丘身患瘡汗衣卧具佛言聽畜覆身  
衣或有衣毛結緝著瘡或時患痛佛言聽取

大價好衣覆身著內外著涅槃僧若至白衣舍  
應語言我患瘡若白衣言無苦但坐應裹涅槃  
僧坐介時比丘患下脫痔病以鹿木作籌草  
患痛佛言聽以毳若劫貝若鳥毛故衣物拭  
之用竟舉置不浣諸比丘見便惡賤白佛佛  
言不應用竟舉置不浣應浣彼浣已不絞去  
水爛壞垂生佛言應絞去水曬令乾時有病  
比丘身患瘡汗衣卧具白佛佛言聽畜覆瘡  
衣若自無衣聽僧中取衣作作已彼比丘不  
敢移此住處覆瘡衣著餘處白佛佛言聽移  
比丘後瘡若不持還本處白佛佛言若老應  
浣染治還本處若不還本處如法治介時六

羣比丘作帳諸白衣見皆共譏嫌沙門釋子  
無有止足不知慙愧外自稱言我知正法如  
是有何正法猶如國王大臣諸比丘白佛佛  
言不應作帳時有比丘在露處大小便露形  
諸比丘白佛佛言聽以草若樹葉若樹枝伊  
梨延陀耄羅耄羅若毘毘作覆障尔時六  
群比丘作軒時諸白衣見皆共譏嫌言沙門  
釋子無有止足不知慙愧自言我知正法如  
是何有正法猶如國王大臣諸比丘白佛佛  
言不應作軒時諸比丘道行患熱白佛佛言  
聽以若草若葉十種衣中若二衣作覆障尔  
時衆僧得複衣佛言聽畜時比丘不知持三

衣佛言應受持若疑應捨已更受若有三衣  
不受持突吉羅佛如是語應受持三衣彼受  
小小衣當三衣若拭身巾若拭面巾卧氎白  
佛佛言不應持如是小小衣當三衣佛言聽  
以長四肘廣二肘衣作安陁會廣三肘長五  
肘作鬱多羅僧伽梨亦如是時諸比丘衣  
壞佛言聽補治彼不知云何補治佛言聽者納  
重縱編邊隨孔大小方圓補時諸比丘不著  
割截衣入聚落白衣見已皆譏嫌沙門釋子  
無有止足不知慙愧自言我知正法如是何  
有正法不著割截衣入聚落猶如外道諸比  
丘白佛佛言不應不著割截衣入聚落有五

事因緣留僧伽梨若疑恐怖若雨若疑雨若  
作僧伽梨未成若浣若染若壞色若堅舉有  
如是五事因緣留僧伽梨尔時比丘反著僧  
伽梨入聚落餘比丘見不喜白佛佛言不應  
反著衣入聚落比丘畏慎不敢聚落外反著  
衣風塵日暴垂烏汗穢諸比丘白佛佛言聚  
落外聽反著衣尔時比丘得縵衣廣長足即  
裁割作衣少欲作帖葉衣白佛佛言聽作尔  
時比丘得縵衣廣長足欲作五納衣白佛佛  
言聽作時諸比丘衣犯捨白佛佛言聽捨若  
於僧中若衆多人若一人應捨然後淨施不  
應不捨應捨然後遣不應不捨而遣彼比丘

不捨便受用作三衣作波利迦羅衣故壞故  
燒用作非衣若數數著若不捨不應受用作  
三衣波利迦羅衣故壞故燒用作非衣若數  
數著諸比丘作如是念波利迦羅不現在前  
得尼薩耆不佛言不犯彼不捨衣便著衣白  
佛佛言不應不捨便著彼比丘疑不敢以捨

墮衣與人用作被衣白佛佛言聽與人聽作  
被衣時比丘畏慎燒衣奪衣漂衣不敢著白  
佛佛言聽著時比丘不捨衣便與他賀易白  
佛佛言不應不捨衣應捨然後賀易諸比丘  
如是念衆僧衣過十日犯捨墮不白佛佛言  
不犯時比丘淨施衣不還主犯突吉羅若遮

不與者亦突吉羅時諸比丘不染衣不壞色  
便寄白衣舍白衣取著白佛佛言不應不染  
及壞色便寄白衣舍應染壞色作沙門衣然  
後寄白衣舍尔時比丘得上狹下廣衣受用  
作僧祇枝白佛佛言聽作尔時異住處現前  
僧大得可分衣物六群比丘出界外共分諸  
比丘白佛佛言不應出界外分時有長老比  
丘多知識人間遊行大得現前僧應分衣物  
難分彼畏慎佛不聽出界外分衣諸比丘以  
此事白佛佛言應如是唱令言來向某甲某甲  
處分衣若可分衣應分彼不知何時分應作相  
若量時量影若作烟若吹貝若打鼓若打撻

推若白時至若自來若遣人來應與分彼諸  
比丘轉易卧具佛言不應移易或有房多卧  
具或有房少卧具佛言自今已去聽舊住人  
若摩摩帝若經營人若次得房者應問然後  
轉易彼比丘移卧具已去時不還復本處餘  
比丘復用佛言應復卧具者本處而去若不  
者當如法治時房舍崩壞諸比丘畏慎不敢  
移轉卧具佛有如是言不應移轉卧具諸比  
丘白佛佛言若房舍崩壞應移轉卧具彼移  
轉卧具著餘房中餘房不敢卧便爛壞白佛  
佛言應用卧時佛聽用卧已諸比丘便不洗  
脚不拭脚用作襯身衣諸比丘白佛佛言不



應不洗脚不拭脚用作襯體衣佛既不聽作  
襯體衣諸比丘畏慎不敢手脚近諸比丘白  
佛佛言從腋至膝不應襯體時諸白衣施比  
丘襯體衣比丘畏慎不敢受白佛佛言應隨  
檀越施衣應受彼壞房舍已治不還復卧具  
諸比丘白佛佛言若房舍已治應還復卧具  
若不復者應如法治彼諸比丘從此住處移  
定卧具至彼處白佛佛言不應移此住處定  
卧具至彼處有國土人民反亂恐怖住處亦  
壞彼畏慎不敢移卧具言佛不聽移此住處  
定卧具至彼處諸比丘白佛佛言若有如是  
事聽移彼移卧具時畏襯體不敢蔽覆言世

尊不聽作襯體衣諸比丘白佛佛言隨所方  
便蔽覆應移若餘人駢起不應起亦不應駢  
彼起若有餘比丘能愛護者應與若復國土  
還復人民還安房舍治竟不還復卧具諸比  
丘白佛佛言若尔不還復卧具當如法治尔  
時舍利弗得上色碎段衣裁欲作五納衣白  
佛佛言聽作尔時有住處現前僧大得可分  
衣物六群比丘各相推倚不肯蔽舉遂失去  
諸比丘白佛佛言聽及有見者應收舉時客  
比丘來移衣物著餘房不堅牢白佛佛言聽  
別房結作庫藏屋白二羯磨唱房名若温室  
若重屋若經行屋是中差堪能作羯磨者若

上座若次座若誦律若不誦律能作羯磨者  
作如是白大德僧聽若僧時到僧忍聽僧結  
某甲房作庫藏屋白如是大德僧聽僧結某  
甲房作庫藏屋誰諸長老忍僧結某甲房作  
庫藏屋者默然誰不忍者說僧已忍結某甲  
房作庫藏屋竟僧忍默然故是事如是持時  
彼庫藏屋無人守不堅牢聽差守物人白二  
羯磨如是差衆中當差堪能作羯磨者若上  
座若次座若誦律若不誦律能作羯磨者如  
是白大德僧聽若僧時到僧忍聽僧差某甲  
比丘作守物人白如是大德僧聽僧差某甲  
比丘作守物人誰諸長老忍僧差某甲比丘

作守物人者默然誰不忍者說僧已忍差某  
甲比丘作守物人竟僧忍默然故是事如是  
持若比丘不肯作守物人應福饒與粥若故  
不肯一切所受衣食分應與二分若故復不  
肯當如法治尔時毗舍佉無夷羅母大作浴  
衣遣人送至精舍中諸比丘不知當云何白  
佛佛言隨上座次分若不足應識次更得應  
續次與彼時得大貴價衣續次與佛言不應  
以貴價衣續次與應從上座與若得不等者  
應僧中取可分衣物足令等分之尔時僧得  
鵞伽那羅衣比丘白佛佛言聽畜時比丘著  
僧覆身衣至温室食堂中羹飯汗泥汗烟熏

塵坌白佛佛言不應著僧覆身衣至溫室食  
堂中時諸比丘冬月患寒白佛佛言聽著當  
愛護勿令汗泥時比丘即著至廁上大小便  
汗泥臭穢白佛佛言不應著至廁上時比丘  
送衣還房大小便急諸比丘白佛佛言廁邊  
若有衣架若龍牙杙若有屋若樹若草若有  
石聽持衣著上若天雨漬應著無雨處若雨  
傍來漬當應著好捉不令觸廁戶上廁正安  
脚好蹲令不汗衣彼比丘著衣至經行處草  
著重著塵坌雨漬壞僧衣比丘白佛佛言不  
應著僧衣至經行處尔時有上座病比丘羸  
老遠道來有患苦聽著敷卧氈置上愛護而卧

上介時有比丘在異住處結夏安居已復於  
餘住處住彼不知當於何住處取安居物諸  
比丘白佛佛言聽住日多處應取若二處俱  
等聽各取半彼比丘分夏安居食白佛佛言  
不應分隨施應食介時世尊受毗蘭若婆羅  
門請竟告阿難言汝往語毗蘭若婆羅門佛  
受汝三月請夏安居竟今欲人間遊行介時  
阿難受世尊教即往毗蘭若所語言世尊如  
是語受汝夏三月安居請已竟今欲人間遊  
行時毗蘭若聞阿難語已方自憶我請沙門  
瞿曇及比丘僧九十日中竟不供養時毗蘭  
若即往世尊所恭敬問訊已却坐一面時世

尊以無數方便爲說法令得歡喜毗蘭若聞  
佛說法極大歡喜即白佛言惟願世尊及  
比丘僧更受我九十日請佛答言已受汝九十  
日請已今欲人間遊行復白佛言願受我明  
日食世尊默然受請時毗蘭若聞佛受請已  
即從坐起歡喜遶佛而去即於其夜辦具種  
種飲食明日清旦往白時到  
尔時世尊與五百比丘僧俱著衣持鉢往詣  
其家就座而坐時毗蘭若以種種多美飲食  
供養佛及比丘僧食已捨鉢以三衣布施世  
尊比丘僧人與兩端氎爲夏衣比丘不受言  
佛未聽我曹受夏衣白佛佛言聽受尔時六

羣比丘跋難陀聞佛聽受夏衣於春夏冬一切  
時求索夏衣夏安居未竟亦乞衣亦受衣時  
跋難陀釋子在一住處安居聞有異住處大  
得夏安居衣即往彼住處問言汝曹分夏衣  
未耶荅言未分語言持來與汝分復往餘處  
問言汝分夏衣未荅言未分語言持來與汝  
分時跋難陀在多處分衣得多衣分持來入  
祇桓餘比丘見問言世尊制聽畜三衣此多  
衣是誰衣也彼言我於多住處分衣故大得  
此多衣中有少欲知足行頭陀樂學戒知慙  
愧者嫌責六羣比丘跋難陀言世尊聽比丘  
受夏衣汝云何便於春夏冬一切時求索夏



衣也夏安居未竟亦乞衣亦受衣此處安居  
受衣分復於餘處受衣分諸比丘往世尊所  
以此因緣具白世尊世尊爾時集比丘僧無  
數方便呵責跋難陀言汝所爲非非沙門法  
非清淨行非隨順行所不應爲跋難陀我聽  
比丘畜夏衣汝云何於春夏冬一切時求索  
夏衣安居未竟亦乞衣亦受衣於此處安居  
受衣分復於異處受衣耶以無數方便呵責  
六羣比丘跋難陀已告諸比丘自今已去不  
應於一切時春夏冬求索夏衣安居未竟亦  
乞衣亦受衣亦不應此處安居受衣分已復  
於餘處受衣分若受者應如法治爾時有比

立未分夏衣便去後比丘分夏衣彼比丘行  
還問言夏衣分未荅言已分問言取我衣分  
不荅言不取時彼比丘瞋責餘比丘言未分  
衣我出行後分夏衣我在此安居而不取我  
衣分諸比丘如是念是成分衣法不往白佛  
佛言成分衣應相待亦應囑授後人受夏衣  
分時有比丘未分衣便去漫囑授後人受我  
衣分後諸比丘分衣問誰爲某甲比丘取衣  
分時無有爲取衣分者彼比丘還問分衣未  
荅言已分問取我分不荅言不取彼比  
丘瞋責餘比丘言未分衣我出行囑授  
後人爲我取衣我在此安居而分衣不

爲我取分耶諸比丘如是念爲成分衣不  
往白佛佛言成分應待還亦應的囑授一  
人時有比丘未分衣出行囑授一比丘爲  
我取夏衣時諸比丘分衣問言誰取某甲  
比丘衣分受囑授者忘不取諸比丘即分衣  
彼比丘還問言分夏衣未答言已分問言取  
我分不答言不取彼比丘瞋責餘比丘言未  
分衣我出行後囑授一比丘取我衣分我在  
此安居而不爲我取分諸比丘不知成分衣  
不往白佛佛言成分是忘者過時比丘留夏  
安居食白佛佛言不應留應隨施者尔時舍  
利弗目連般涅槃多有可分衣物現前僧應

分彼比丘留過安居諸比丘白佛佛言不應  
留此衣現前僧應分彼時有一檀越為欲施  
塔施僧僧伽藍房舍為施浴池若為初生兒  
若為初剃髮若長髮若入新舍若為亡人作  
會現前僧大得可分衣物諸比丘留至夏安  
居比丘往白佛佛言不應留此是非時衣現  
前僧應分尔時有一比丘住處大得夏安居  
衣物彼作如是念我當云何白諸比丘諸比  
丘白佛佛言若有一比丘安居大得僧夏安  
居衣物彼比丘應作心念言此是我物若受  
若不受更有餘比丘來不應得分尔時諸比  
丘大得可分衣物僧破為二部諸比丘白佛

佛言應分爲二分若未得可分衣物僧破爲  
二部佛言應問檀越當與誰若彼言與某甲  
某甲上座即應隨彼語上座所在處與若彼  
言不知若言俱與應分作二分今時諸比丘  
已得衣未得衣僧破爲二部已得衣者應分  
作二分未得衣者應問檀越當與誰彼若言

與某甲某甲上座即應隨彼語上座所在處  
與若彼言不知若言俱與應分爲二分今時諸  
比丘得可分衣物有比丘從此部往彼部彼  
不應與衣分若未得衣物有比丘從此部往  
彼部不應與衣分若得衣物未得衣物有比  
丘從此部往彼部不應與衣分今時有比丘

從此部往彼部未至便死諸比丘不知其衣  
鉢當與誰白佛佛言隨其所欲往處應與  
時有比丘從此部往彼部至便死諸比丘不  
知其衣鉢當與誰白佛佛言隨彼所往部應  
與尔時有比丘被舉已命過諸比丘不知其  
衣鉢當與誰白佛佛言隨所共同羯磨舉僧  
應與尔時住處僧破為二部有檀越請此二  
部僧便一處飯食并布施衣布施縷諸比丘不  
知誰應得衣誰應得縷白佛佛言應問檀越  
衣與誰縷與誰若言與某甲某甲上座應隨  
彼語所在處上座與若言不知若言俱與應  
分作二分尔時眾僧得夏安居衣僧破為二

部白佛佛言應數人多少分若未得安忍衣  
僧破爲二部白佛佛言應數人分若得夏衣  
若未得夏衣僧破爲二部應數人分時有比  
丘得夏衣往餘部白佛佛言應與若未得夏  
衣往餘部佛言應與若未得夏衣若已得夏  
衣往餘部佛言應與尔時有一居士集比丘  
住處諸處僧供養飲食以衣布施諸比丘不  
知云何白佛佛言有八種施衣若與比丘僧若  
與比丘尼僧若與二部僧若與四方僧若與  
界內僧若與同羯磨僧若稱名字與若與一  
人佛言若與比丘僧比丘僧應分若與乃至  
一人應屬一人尔時諸比丘冬月患寒白佛

佛言聽者帽露地坐患背痛佛言聽從禪帶  
介時比丘身患瘡并汗臭佛言聽作拭身巾  
若面汗聽作拭面巾若患眼淚聽作捫淨巾  
介時卑陵伽婆蹉得大貴價踈衣彼欲作夏  
衣畜白佛佛言聽淨施持淨施有二種一真  
實淨施二展轉淨施真實淨施者言大德一  
心念我有此長衣未作淨施今為淨故捨與大  
德為真實淨故展轉淨施者言大德一心念  
此是我長衣未作淨念為淨故施與大德為  
展轉淨故彼受淨者即應如是言大德一心  
念汝有長衣未作淨為淨故與我我今受之  
受已當語言汝施與誰彼應言施與某甲



受淨者應如是言大德一心念汝此長衣未  
作淨爲淨故與我我今受之受已汝與某甲  
是衣某甲已有汝爲某甲善護持著隨因緣  
作真實淨施者應問主然後得著展轉淨施  
者若問若不問隨意著今時比丘遣使借與  
某甲比丘衣作彼親友意取衣應取不佛言  
不應作親友意取若至道路應作親友意取  
不佛言不應取若至彼應作親友意取不佛  
言不應取若作遣衣主親友意取衣應取不  
佛言應取若至道路應取不佛言應取若至  
彼應取不佛言應取所遣借與衣比丘命過  
即作彼命過比丘衣受應受不佛言不應受

若至道路應受不佛言不應受若至彼應受  
不佛言不應受若遣人借與比丘衣衣主命  
過彼比丘應即作命過比丘衣受不佛言應  
受若至道路應受不佛言應受若至彼應受  
不佛言應受今時有比丘遣衣與某甲比丘  
彼使作遣衣主親友意取衣應取不佛言不  
應取若至道路應取不佛言不應取若至彼  
應取不佛言不應取彼比丘若作所遣與衣  
比丘親友意取衣應取不佛言應取若至道  
路應取不佛言應取若至彼應取不佛言應  
取彼所遣衣主比丘命過彼比丘即作命過  
衣受應受不佛言不應受若至道路應受不

佛言不應受若至彼應受不佛言不應受若  
所遣與衣比丘命過彼比丘即作彼命過衣  
受應受不佛言應受若至道路應受不佛言  
應受若至彼應受不佛言應受

尔時有居士有持衣來至僧伽藍中言與  
某甲比丘此衣與大德彼比丘言我不須即  
持衣置比丘前而去彼比丘有畏慎不知去  
何諸比丘白佛佛言聽為施主故掌錄若須  
時聽受持衣捷度  
具足竟

四分律藏卷第四十一

第三分卷第五

婦

盆盆

二音

上音

昨

莫報

毘毘

上音

朱

反

車輿舉

同音居下二

澡罐

上音貫

錫杖

擊上先反

陶作

桃上音

肘

反知柳

蘭若

者下汝反

一搏

團下音

訛訛

二音同

逕

反古定

長衣

文上音

革屣

綺下所反

禪帶

捻

反尼勝

那埤

果下丁反

匿王

力上尼反

恚

反烏避

中的

聲料

斗音

車轆

表下音

馬鞍

貞下苦反

韁

音道

剝脫

反侯若提

者上而反

弊

反毗祭

突吉

骨上徒反

窄狹

侯夾反

桓因

官上反

斯匿

力下尼反

嚼

才反

約

救

鳥鷹

失上音

龜龜

元上音

恬靜

添上徒反

堅

更下吾反

飄

歲竄

筭下反

飛翔

祥下音

捫摸

莫上音

捫

音

曳

羊逝反

輻

福音

晃曜

廣上胡反

懷

娠身下音

妊

濁音

玩

愚貫反

嬉戲

之上許反

娛樂

愚上音

捷疾

葉上才反

綜練

下上郎

宋反

逕

經古字

上必衣麓鹿下音曬所所賣反灑所買

角反而容褰去軋痔直里毳昌歲浣

覘二携伴反不絞下古軒許言反合作複福旨突

吉骨反徒反氈反之然縱編正作縵字同綿反今日暴蒲

入木反又縵衣上莫莫半反漂疋苗賀易上莫狹

反侯夾捷推下直觀初近廁使棬績反在智

羸反刀垂曼反莫半捫門音

